

Arkiv: FA-C0, FE-223
JournalpostID: <jplD> 20/51552
Saksbehandlar:
Dato: 24.08.2020

Saksframlegg

Saksnr.	Utvalg	Møtedato
047/20	Utval for oppvekst, kunnskap og kultur	01.09.2020

**HØYRING - Prisar til kultur, idrett og frivilligheit i Alver kommune
Rådmannen sitt framlegg til vedtak:**

Utval for oppvekst, kunnskap og kultur godkjenner at sak om prisar til kultur, idrett og frivillig innsats vert lagt på høyring. Høyringsfrist vert sett til fire veker

Utval for oppvekst, kunnskap og kultur 01.09.2020:

Behandling:

Rådmannen sitt framlegg vart samrøystes vedteke.

OKK- 047/20 Vedtak:

Utval for oppvekst, kunnskap og kultur godkjenner at sak om prisar til kultur, idrett og frivillig innsats vert lagt på høyring. Høyringsfrist vert sett til fire veker

Politisk handsaming

Saka skal til uttale i Utval for oppvekst, kunnskap og kultur
Saka skal til innstilling i Formannskapet
Saka skal avgjerast i Kommunestyret

Bakgrunn

Alver kommune må ta stilling til om ein skal ha deie ut ein form for anerkjenning til dei som utmerker seg innan kultur, idrett og frivilligheit.

Dei tre kommunane, Radøy, Meland og Lindås, hadde ulik praksis på tildeling av priser.

Politisk handsaming

Saka skal avgjerast i Utval for oppvekst, kunnskap og kultur

Bakgrunn

Alver kommune må ta stilling til om ein skal ha deie ut ein form for anerkjenning til dei som utmerker seg innan kultur, idrett og frivilligheit.

Dei tre kommunane, Radøy, Meland og Lindås, hadde ulik praksis på tildeling av priser.

Kommune	Kulturpris	Idrettspris	Frivillighetspris	Anna
Radøy kommune	Delt ut kvart år	Deilt ut annakvart år	Kvart år	
Meland kommune	Delt ut kvart 4. år			Kulturrosa delt ut kvart år
Lindås kommune	Delt ut kvart år	Lindås idrettsråd deilte ut idrettsstipend	Frivilligsentralen deilte ut Frivilligpris	Lindås kulturråd deilte ut inspirasjonspris. Lindås idrettsråd deilte ut idrettsstipend

Administrasjonen har sett på korleis andre kommunar organiserer sine priser. Vi har sett på nokre eksempel frå kommunar vurdert ut få geografi og kommunar som har vore nominert til kulturkommune av organisasjonen Norsk Kulturforum og/eller har hatt høg plassering på Telemarkforskning si rangering på Kulturbarometeret 2018. Norsk kulturindeks (kulturbarometer) er ei årleg oversikt over kulturtilbod og kulturaktivitet i norske kommunar, regionar og fylker.

Røros kommune har toppa kulturbarometeret dei siste 6 år, saman med kommunane Ål, Nordre Aurdal, Lillehammer, Hamar og Gloppen. Alle kommunane delar ut kulturpris. Berre ein av kommunane delar ut eige pris frivillighetspris, mens ingen av dei har idrettspris. Fire av kommunane har kulturstipend. Av desse er to av prisane retta mot unge – 15-24 år. Berre ein kommune har eige idrettsstipend.

Saksopplysninger

Kvifor prisar?

Kvar dag blir det lagt ned stor innsats av frivilligheit i Alver kommune. Idrett, song/musikk, ungdomsarbeid, friluftsliv og kulturminnearbeid er eksempel på noko av det mange lag/organisasjon og einskildpersonar arbeider for, til beste for m.a. barn og unge.

Frivilligheit Norge sine undersøkingar viser at frivillig arbeid bidrog med ei verdiskaping tilsvarande 75,7 milliardar kroner i 2017 (SSBs satellittrekneskap for frivillig sektor 2019).

Ein slik innsats bør anerkjennast. Prisutdeling er ein måte for Alver kommune å vise ei slik anerkjenning på. Tilskotsmidlar kan vere ein annan.

Kulturpris

Ein kulturpris skal vere ein inspirasjon for einskildpersonar, lag og organisasjonar innan kulturfeltet. Prisen skal vere ei oppmuntring til arbeid vidare, og ei verdsetting av personar og lag som har gjort ein framifrå innsats for kulturlivet i Alver kommune.

Idrettspris

Som kulturprisen skal ein idrettspris vere ein inspirasjon, for utøvarar, trenarar og eldsjeler. Prisen skal vere ei oppmuntring til og verdsetting av personar og lag som har gjort ein framifrå innsats for idretten i Alver kommune.

Frivilligpris

Ein frivilligpris kan romme meir enn berre kultur og idrett. Ein frivilligpris kan gå til ein person eller ei gruppe som har gjort ein særskild frivillig innsats over fleire år, uavhengig av om det er innanfor kultur, idrett, helse eller andre område i samfunnet.

FN har markert 5. desember som den internasjonale dagen for frivilligheit, for å markere verdien det har i samfunnet. Dagen har vore markert i Radøy, Meland og Lindås tidlegare, og vil bli markert med ulike arrangement i Alver i åra framover.

Stipend

Gjennom tilskotsmidlane deler Alver kommune ut inntil 3 kulturstipend og 3 idrettsstipend årleg.

Må ein vere busett i Alver?

Spørsmål om bustadadresse kjem ofte opp i samband med prisar. Nokon vil meine at det er heilt nødvendig at berre aktørar busett i den aktuelle kommunen kan vere aktuelle for å ta i mot ein pris: Det er viktig å anerkjenne dei som kvar dag engasjerer seg i ulike aktivitetar i Alver kommune, til beste for fellesskapet. Andre igjen vil sjå på korleis ein høyrer til kommunen, sjølv om ein ikkje fysisk bur i kommunen. Døme på dette kan vere ein aktør busett i ein annan kommune, men som driv aktivitet i Alver, eller ein aktør som bur i ein annan kommune, men som har vakse opp i Alver. Kjende skodespelarar, musikarar, forfattarar og idrettsutøvarar med opphav i Alver kan vere døme på dette.

Rangere prisane

Å få ei anerkjenning frå eigen heimkommune vil av dei fleste bli oppfatta som ei ære. Det er difor vanskeleg å rangere ein pris framfor ein annan.

Her kan også synet på prisane vere delt. Nokon vil meine at prisane må vere likeverdige, då alt frivillig arbeid skal vurderast likt. Andre igjen vil kunne meine at kulturpris og idrettspris må vere dei høgaste utmerkingane ein kan få.

Om ein vel ordninga der kulturpris og idrettspris er dei høgast rangerte prisane innan kultur- og idrett, må ein ta stilling til om

1. ein skal ha frivilligpris og
2. kva status denne skal ha

Om ein skal ha ein frivilligpris må ein ta stilling til om det er mogeleg å seinare bli vurdert til kultur- eller idrettspris. Kan ein få frivilligprisen i Alver kommune etter ein t.d har fått kultur- eller idrettsprisen.

STATUTTAR FOR KULTURPRIS I ALVER KOMMUNE

Alver kommune kan kvart år dele ut kulturpris. Prisen skal gå til einskildperson, lag eller organisasjon som har gjort ein særskilt innsats innan kulturarbeid, til beste for innbyggjarane i Alver kommune.

§1. Alver kommune sin kulturpris vert delt ut ein gong pr. år.

§2. Formålet med kulturprisen er å anerkjenne aktiv innsats innan kulturlivet i kommunen eller bidrag til å gjere Alver kommune kjend elles i landet på eit kulturelt plan.

§3. Einskildpersonar, lag og organisasjonar busett i og utanfor kommunen kan bli vurdert ved tildeling av kulturpris. Alle greiner innan kulturlivet blir rekna som jamngode: Song, musikk, dikting, drama, biletkunst og anna kulturell aktivitet.

§4 Kulturprisen gjevast same person/organisasjon berre ein gong. Beløpet kan

unntaksvis bli delt på fleire kandidatar.

§5. Utlysing av kulturprisen vert gjort kjend i lokalpressa og på kommunen si heimeside og sosiale medium i god tid.

§6. Alle kan sende inn eit skriftleg, grunngjeve forslag til kandidatar til Kulturprisen. Det skal gå fram av forslaget kven som har foreslått kandidaten/-ane. Kommunen kan sjølv fremje forslag på kandidatar.

Forslag må vere kommunen i hende innan 01.november.

§7. Ein komité samansett av tre representantar utgjer jury for kulturpris

- Ein representant frå Utval for oppvekst, kunnskap og kultur
- Ein representant frå Alver idrettsråd
- Ein representant frå Alver kulturråd

Ein representant frå kulturadministrasjon er sekretær for juryen.

Kulturprisen vert delt ut av ordførar.

§8. Kulturprisen er sett saman av eit diplom og eit pengebeløp.

STATUTTAR FOR IDRETTSPRIS I ALVER KOMMUNE

Alver kommune kan kvart år dele ut idrettspris. Prisen skal gå til einskildperson, lag eller organisasjon som har gjort ein særskilt innsats innan idrett, til beste for innbyggjarane i Alver kommune.

§1. Alver kommune sin idrettspris vert tildelt ein gong pr. år.

§2. Formålet med idrettsprisen er å anerkjenne aktiv innsats innan idrett i kommunen eller bidrag til å gjere Alver kommune kjend elles i landet gjennom idrettsrelatert aktivitet..

§3 Einskildpersonar, lag og organisasjonar busett i og utanfor kommunen kan bli vurdert ved tildeling av idrettspris. Alle greiner innan idretten blir rekna som jamgode.

§4 Idrettsprisen kan gjevast same person/organisasjon berre ein gong. Beløpet kan unntaksvis bli delt på fleire kandidatar.

§5. Utlysing av idrettsprisen vert gjort kjend i lokalpressa og på kommunen si heimeside og sosiale medium i god tid.

§6. Alle kan sende inn eit skriftleg, grunngjeve forslag til kandidat for idrettsprisen. Det skal gå fram av forslaget kven som har foreslått kandidaten/-ane. Kommunen kan sjølv fremje forslag på kandidat.

Forslag må vere kommunen i hende innan 01. november.

§7. Ein komité samansett av tre representantar utgjer jury for idrettspris

- Ein representant frå Utval for oppvekst, kunnskap og kultur
- Ein representant frå Alver idrettsråd
- Ein representant frå Alver kulturråd

Ein representant frå kulturadministrasjon er sekretær for juryen.

Idrettsprisen vert delt ut av ordførar.

§8. Idrettsprisen er sett saman av eit diplom og eit pengebeløp.

STATUTTAR FOR FRIVILLIGHEITSPRISEN I ALVER KOMMUNE

Alver kommune kan kvart år dele ut ein frivilligheitspris. Prisen skal delast ut til einskildpersonar eller lag/organisasjonar som har utført ein særleg frivillig innsats og engasjement innan kultur, idrett, humanitært arbeid eller helse, til beste for innbyggjarane i Alver kommune.

§ 1 . Alver kommune sin frivilligpris vert delt ut ein gong pr. år.

§2. Formålet med prisen er å markere og synleggjere frivillige og frivillig innsats innan kultur,

idrett, humanitært arbeid eller helse, og å fremje frivillig engasjement.

§3. Lag/organisasjonar eller einskildpersonar som får tildelt frivilligpris skal ha tilknytting til Alver kommune, og ha sitt verke i kommunen.

§4. Frivilligprisen kan gjevast same person/organisasjon berre ein gong. Beløpet kan unntaksvis fordelast på fleire kandidat.

§5. Utlysing av frivilligprisen vert gjort kjend i lokalpressa og på kommunen si heimeside og sosiale medium i god tid.

§6. Alle kan sende inn eit skriftleg, grunngjeve forslag på kandidat for frivilligprisen. Det skal gå fram av forslaget kven som har foreslått kandidaten/-ane. Kommunen kan sjølv fremje forslag på kandidat.

Forslag må vere kommunen i hende innan 01. november.

§7. Ein komité skal vere samansatt av tre representantar utgjer jury for frivilligpris

- Ein representant frå Utval for oppvekst, kunnskap og kultur
- Ein representant frå Alver idrettsråd
- Ein representant frå Alver kulturråd

Ein representant frå frivilligsentralen er sekretær for jury.

Frivilligprisen vert delt ut av ordførar i samband med FN sin internasjonale frivilligdag. 5. desember kvart år, eller ved eit høveleg arrangement tilknytt denne.

§8. Frivilligprisen er sett saman av eit diplom og eit pengebeløp.